

3 Januari 2014

Kepada Pastor/ Penatua/ Pemimpin Gereja,

Per: Berespons terhadap tindakan yang mungkin boleh berlaku ke atas gereja-gereja kerana penggunaan “Allah”

Jabatan Agama Islam Selangor telah menyerbu pejabat Bible Society of Malaysia pada 2 Januari 2014 dan telah merampas lebih daripada 300 naskhah Alkitab dan alkitab Iban.

Terdapat juga berita bahawa JAIS merancang untuk menghantar surat kepada semua gereja di Selangor untuk mengingatkan mereka untuk mentaati senarai perkataan Arab yang telah dilarang, termasuk “Allah” di bawah undang-undang negeri. Undang-undang ini adalah dari Enakmen Agama Bukan Islam Selangor (Kawalan Penyebaran Kepada Umat Islam) Enakmen 1988.

Terdapat juga laporan berita yang mengatakan Umno Selangor mengugut untuk memprotes di hadapan pelbagai gereja di Selangor.

Berdasarkan perkembangan ini, kami ingin mengingatkan gereja-gereja seperti yang berikut:-

I. Ketidakadaan Kuasa ke atas Orang Bukan Muslim

- a) Bahawa JAIS, sebagai autoriti hal-ehwal Islam, tidak mempunyai kuasa mengenai hal-hal bukan Muslim. Jika gereja anda menerima sebarang surat daripada JAIS yang bertujuan untuk bertindak di sisi undang-undang dan mendesak bahawa gereja anda berhenti atau tidak dibenarkan untuk menggunakan kalimah “Allah” atau mana-mana perkataan yang dilarang yang tertera di dalam Enakmen, sila hantar satu salinan surat itu kepada kami dan kemudian dapatkan nasihat perundangan tentang hal ini.
- b) NECF telah menyatakan pendirian kami mengenai penggunaan kalimah “Allah” dalam pernyataan kami yang bertarikh 10 Januari 2013 [“Advisory to National Evangelical Christian Fellowship \(NECF\) Malaysia member churches on the use of “Allah” by non-Muslims”](#). Persekutuan Kristian Malaysia (The Christian Federation of Malaysia) juga telah mengeluarkan satu senarai fakta [“Bila, Kenapa dan Bagaimana Kristian Menggunakan kalimah “Allah”](#)” (“When, Why and How Christians Use the Word “Allah””) yang bertarikh 16 Mei 2013. Walaupun keputusan Mahkamah Tinggi sekarang telah menolak keputusan Mahkamah Rayuan, pendirian kami masih sama kerana ia berdasarkan Perlembagaan kita.
- c) Pendirian NECF adalah berdasarkan Artikel 11 dalam Perlembagaan Persekutuan Malaysia yang memberi hak kepada setiap orang untuk mengamalkan dan menganuti agamanya.
- d) Walaupun Artikel 11(4) Perlembagaan memperuntukkan undang-undang negeri dan persekutuan boleh mengawal atau menyekat pengembangan apa-apa iktikad atau kepercayaan agama antara orang-orang yang menganuti agama Islam, ini *tidak memberi kesan kepada hak seseorang untuk mengurus dan mengamalkan agamanya* di bawah Artikel 11(1) dan (3) yang melibatkan penggunaan perkataan, bahasa, penyembahan dan aspek-aspek lain dalam mengamalkan agamanya.

Oleh itu, larangan ke atas orang bukan Muslim daripada menggunakan “Allah” di bawah Enakmen 1988 hanyalah dalam konteks penyebaran agama dan tidak memberi kesan kepada hak kita untuk menganut, mengamalkan dan mengurus hal-ehwal kita, termasuk penyembahan dan pembacaan Alkitab di dalam gereja, rumah dan mana-mana tempat orang Kristian berkumpul.

II. Mengenai Protes di Depan Gereja

- a) Jika berlakunya protes dalam bentuk pengumpulan awam di atau berdekatan dengan gereja anda, sila rujuk nasihat seperti yang berikut:-
1. Nasihatilah jemaat anda tetap berada di dalam bangunan gereja dan lakukanlah apa yang anda mampu untuk keamanan dan bertenang. Berdoa untuk keamanan, keharmonian dan perlindungan untuk semua umat Tuhan dan harta benda.
 2. Buat laporan polis serta-merta dan minta untuk kehadiran dan pertolongan polis untuk menjaga keamanan dan keselamatan semua orang.
 3. Pastikan anda ada satu team yang terdiri daripada pemimpin gereja anda atau pekerja gereja yang mempunyai satu rangkaian tugas dan arahan tentang apa yang perlu dilakukan oleh setiap orang dalam situasi seperti ini.
 4. Rakamkan protes itu dan minta pihak media untuk hadir melihatnya.
 5. Setelah rakaman video sudah selesai, simpankannya sebagai bukti jika ada tindakan undang-undang.
 6. JANGAN bersama-sama dengan pihak yang memprotes untuk mengelakkan provokasi yang tidak diingini. Izinkanlah pihak polis atau orang yang berautoriti mengendalikan situasi ini.
 7. Pastikan bahawa gereja anda atau organisasi anda mempunyai satu senarai nombor-nombor balai polis di kawasan anda yang terkini dan nombor pihak media.

III. Mengenai Percubaan yang Mungkin Berlaku untuk Menyerbu Sesebuah Gereja atau Organisasi Kristian

- a) Secara am, pihak berkuasa agama Islam tidak mempunyai kuasa mengenai hal-hal bukan Islam. Oleh itu, orang Kristian mempunyai hak untuk tidak membenarkan sama sekali mana-mana orang dari jabatan agama yang meminta untuk masuk dalam sesebuah rumah, bangunan gereja atau mana-mana bangunan persendirian yang digunakan untuk penyembahan dan aktiviti Kristian.
- b) Jika pegawai JAIS atau mana-mana pegawai agama yang disusuli dengan polis mendesak untuk masuk ke dalam bangunan anda, orang bukan Muslim mesti memastikan (1) identiti mereka sebagai pegawai yang berkuasa; dan (2) mereka mengemukakan waran geledah sebelum membenarkan mereka masuk ke dalam bangunan anda untuk menggeledah¹. Kesahihan tindakan mereka boleh dicabar selepas itu melalui bantuan perundangan.
- c) Jika tidak ada waran geledah dan mereka menyerbu masuk secara paksa, izinkan ia berlaku dengan mengutamakan keselamatan pekerja dan jemaat anda yang ada pada waktu itu. Tetapi perlu *rakamkan dalam video* pencerobohan ini dan simpan rakaman ini sebagai bukti. Untuk melindungi alat-alat rakaman daripada dirampas, cuba dapatkan seberapa ramai orang yang mungkin untuk membuat rakaman pada masa yang sama. Beri perhatian dan catatkan apa-apa barang yang diambil dan dirampas.
- d) Semasa penyerbuan itu berlaku, maklumkan pihak media kamu secepat mungkin.

¹ Seksyen 54 Kanun Acara Jenayah membenarkan sesuatu waran geledah dikeluarkan dalam sesuatu situasi yang spesifik yang bertujuan untuk melakukan sesuatu pencarian dan pemeriksaan.

- e) Buat laporan polis tentang penyerbuan itu dan beri perhatian kepada pencerobohan secara paksa itu serta perampasan barang-barang. Dalam laporan anda, nyatakan bahawa hak gereja anda atau organisasi anda untuk mengamalkan kebebasan beragama di bawah Perlembagaan Persekutuan telah dinafikan.

Dalam waktu percobaan ini, kami mendorong komuniti orang Kristian untuk sangat memahami hak-hak mereka di bawah Perlembagaan Persekutuan dan bukanlah berespons dalam ketakutan dan ketidakpastian. Mana-mana tindakan oleh autoriti agama Islam ke atas anda adalah salah di sisi undang-undang dan boleh dicabar dalam mahkamah. Marilah kita ingat bahawa Tuhan adalah berdaulat dan berkuasa dalam segala situasi di Malaysia. Marilah kita terus menyembah Dia dan beri Dia semua kemuliaan seperti mana yang selalu kita lakukan dan terus berdoa untuk kebajikan dan kesihatan masyarakat dan negara yang tercinta kita.

Dalam Kristus,

A handwritten signature in black ink, appearing to read 'Eugene Yapp', followed by a period.

Eugene Yapp
Setiausaha Agung
NECF Malaysia